

476.

Na osnovu člana 16. stav 1. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), člana 20a. stav (4) Zakona o radu (“Službene novine Federacije BiH”, broj: 26/16 i 89/18), Vlada Zeničko-dobojskog kantona, na 26. vanrednoj sjednici, održanoj dana 03.11.2020. godine, d o n o s i

UREDBU
O IZMJENI UREDBE O POSTUPKU PRIJEMA U
RADNI ODNOS U JAVNOM SEKTORU U
ZENIČKO-DOBOJSKOM KANTONU

Član 1.
(Izmjena člana 7.)

U Uredbi o postupku prijema u radni odnos u javnom sektoru u Zeničko-dobojskom kantonu („Službene novine Zeničko-dobojskoga kantona“, broj: 8/19, 6/20 i 19/20), u članu 7. stav (1) tačka c) mijenja se i glasi:“ prijema u radni odnos u ustanovama iz oblasti zdravstva na području Zeničko-dobojskog kantona i to: JU Kantonalna bolnica Zenica, JU Opća bolnica Tešanj, Zavod zdravstvenog osiguranja Zeničko-dobojskog kantona, JU Institut za zdravlje i sigurnost hrane Zenica, JU Zavod za medicinu rada i sportsku medicinu Zeničko-dobojskog kantona, JU Zavod za bolesti ovisnosti Zeničko-dobojskog kantona, JU poliklinika sa dnevnom bolnicom Doboj Jug i svim domovima zdravlja na području Zeničko-dobojskog kantona, za vrijeme dok je na snazi Naredba Federalnog ministarstva zdravstva o proglašenju epidemije zarazne bolesti COVID-19 na teritoriji Federacije BiH (“Službene novine Federacije Bosne i Hercegovine”, broj: 48/20)“.

Član 2.
(Stupanje na snagu)

Ova uredba stupa na snagu danom donošenja i bit će objavljena u “Službenim novinama Zeničko-dobojskog kantona”.

Broj: 02-02-17565/20
Datum: 03.11.2020. godine
Zenica

P R E M I J E R
po ovlaštenju

Mirnes Bašić, s.r.

.....

477.

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), člana 37. stav (1) Zakona o izvršavanju Budžeta Zeničko-dobojskog kantona za 2020. godinu („Službene novine Zeničko-dobojskog kantona“, broj: 24/19 i 14/20) i Programa utroška sredstava od prikupljenih veterinarskih naknada za mjere zdravstvene zaštite životinja i veterinarskog javnog zdravstva na području Zeničko-dobojskog kantona u 2020. godini, broj: 02-11-6959/20 od 19.05.2020 godine, na prijedlog Ministarstva za poljoprivredu, šumarstvo i vodoprivredu, Vlada Zeničko-dobojskog kantona, na 80. sjednici, održanoj dana 23.10.2020. godine, d o n o s i

O D L U K U

o odobravanju isplate sredstava na ime provođenja
mjere preventivne vakcinacije životinja protiv Crnog
prišta na području Zeničko-dobojskog kantona

Član 1.
(Predmet)

Odobrava se isplata sredstva u iznosu od 20.920,00 KM (slovima: dvadesethiljadadevetstotina dvadeset konvertibilnih maraka) gradovima i općinama Zeničko-dobojskog kantona na ime provođenja mjere preventivne vakcinacije životinja protiv Crnog prišta na području Zeničko-dobojskog kantona.

Član 2.
(Analitička konta)

Odobrena sredstva iz člana 1. ove odluke isplatit će se iz Budžeta Zeničko-dobojskog kantona za 2020. godinu („Službene novine Zeničko-dobojskog kantona“, broj: 24/19 i 7/20), sa razdjela 23 – Ministarstvo za poljoprivredu, šumarstvo i vodoprivredu, budžetska organizacija 01, potrošačka jedinica 0001, ekonomski kod 614400, subanalitika NAD 405, pozicija „Subvencije-veterinarstvo“.

Član 3.
(Uplata sredstava)

Odobrena sredstva iz člana 1. ove odluke isplatit će se na transakcijske račune prema priloženom spisku od rednog broja 1. do 4. koji čini integralni dio ove odluke – Anex I.